



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CLXXXII. Bischof Johann von Camin widmet die am 1. Februar 1366 zur
Errichtung einer Vicarei in dem Hospital der Neustadt Prenzlau
ausgesetzten Hebungen einer in der Marienkirche zu errichtenden ...

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

CLXXXII. Bischof Johann von Camin widmet die am 1. Februar 1366 zur Errichtung einer Vicarie in dem Hospital der Neustadt Prenzlau ausgefertigten Gebungen einer in der Marienkirche zu errichtenden Vicarie, am 21. August 1395.

In nomine Domini Amen. Johannes, Dei et apostolice sedis gracia Episcopus Caminensis, Dux Opulienfis ac Administrator ecclesie Poznanienfis, Ad perpetuam rei memoriam. Spiritualem famulatum Deo speramus impendere cum deuotionem Fidelium presertim quando circa augmentum diuini cultus versarij conspicimus, quantum in nobis est, adaugemus, quod tunc recte facere credimus cum literis nostris authenticis precauemus, ne ipsorum frustretur intencio et ea que rite faciunt et pro certis deputant vsibus nostre ordinarie confirmacionis munimine approbando stabilimus. Sane vidimus, audiuimus et diligenter examinauimus instrumenta publica per manus Rudolphi swanenberch Clerici Notarii publici super diuersis donacionibus diuersarum pecuniarum ac reddituum ad quoddam Hospitale In Noua ciuitate Premzlaw erectum a commendabilibus uiris recolendarum memoriarum Dominis Heyfone Vicario perpetuo in ecclesia Sti. Jacobi in Premzlaw ac Nicolao Mockeren, presbytero vicario in ecclesia beate marie Virginis ibidem, in honorem omnipotentis Dei ad diuini cultus augmentum et ob salutem animarum suarum pie factis confecta, In vno siquidem instrumento dictus Dominus heyfo dedit et assignauit quatuor talenta denariorum Brandenburgensium annuorum reddituum per ipsum a prouisoribus hospitalis S. Spiritus in antiqua ciuitate Premzlaw pro triginta Marcis argenti Brandenburgensium comparatorum ad fundacionem et dotacionem vnius Vicarie perpetue in dicto hospitali nove Ciuitatis erigende, saltem si permitterentur Diuina in eodem hospitali celebrari, Alias dicta quatuor talenta annuorum reddituum in esculentorum et poculentorum pro alendis pauperibus et peregrinis deberent distribui et dispergi, vna cum certis condicionibus, clausulis et articulis, prout hec et alia in dicto instrumento plenius continentur. In alio autem instrumento dominus Nicolaus Mockeren prescriptus ad eandem vicariam fundandam et dicto hospitali erigendam modo quo supra dedit et assignauit tria talenta denariorum Brandenburgensium annualium reddituum, per ipsum a Consulibus Ciuitatis templin rite pro viginti duabus Marcis argenti Brandenburgensium comparatorum. Demum idem dominus Nicolaus dictam donacionem adauxit et augmentauit cum quatuordecim Marcis argenti Brandenburgensium de domo sua, quam inhabitat, recipiendis, referuata distribucione predictorum talentorum in vsus pauperum in euencione, quo Diuina in dicto hospitali haberi non possent dicti hospitalis Prouisoribus tam per sepe dictum Dominum Nicolaum quam per Dominum Heyfonom ac pluribus alijs condicionibus, opcionibus, clausulis et articulis adiectis prout in instrumento infra scripto super dicta donacione confecto hec et alia lacius reperiuntur. Sed quia condicio de celebrandis Diuinis in Multidicto nouo hospitali in donacionibus expressa propter preiudicium parochialis ecclesie extare non poterat, Ne igitur donatorum frustretur intencio et ne dicti redditus subducentur, aut ad prophanos vsus veniant, prouisores dicti hospitalis in predicta noua Ciuitate Premzlaw situati dictas sexaginta sex Marcas vna cum redditibus pro eis emptis et in futurum emendis de nostra expressa voluntate et consensu pro vna vicaria perpetua ad altare in honorem beate virginis Katherine et Paulini fundatum, situm in ecclesia parochiali beate marie virginis in Primzlow appofuerunt et redditus emptos pro eisdem sexaginta Marcis pro nouo vicario dicte vicarie et Altaris deputarunt: supplicantes nobis humiliter et deuote quatenus dicte vicarie fundacionem vna cum sexaginta sex marcis argenti Brandenburgensium dotacionem et Juris patrona-

tus in locum distributionis creditam dispositionem et alia in dictis instrumentis contenta ex quo effectum cum altari in hospitali erigendo secundum voluntatem et dispositionem donatorum et fundatorum dictam vicariam habere non potest; neque poterat saltem prout premititur et iam est concordatum et per prouisores ordinatum et per nos indultum, auctoritate nostra ordinaria dignemur confirmare. Tenor per instrumentum prime donacionis sequitur in hec verba: (Urk. No. CXXXV u. CXXXVI). Nos igitur precibus humillimis dictorum Prouisorum fauorabiliter inclinati dicte Vicarie fundacionem et eius cum sexaginta sex Marcis argenti Brandenburgensis donacionem et redditum ac Vicarii de Hospitali in noua Ciuitate Primzlaw ad Ecclesiam parochialem beate marie virginis ibidem translationem et ad Altare beate Katherine Virginis et Paulini Martirum appropriationem, applicationem et distributionem in iuris patronatus mutationem cum omnibus aliis clausulis et articulis, prout in predictis instrumentis hec at alia plenius continentur, approbamus et autorifamus et in nomine Domini auctoritate nostra ordinaria in hijs scriptis confirmamus, applicamus predictas pecunias seu redditus earum ad altare prefatum ut in perpetuum maneant apud ipsum. Inhibentes sub pena Excommunicacionis et malediccionis eterne, ne potestas secularis, aut quiuis alius cuiuscunque status uel condicionis fuerit, se de predictis pecunijs seu earum redditibus, preter voluntatem Vicarij, qui pro tempore fuerit, ad idem Altare pro secundo Vicario institutus intromittat, seu ipsius altaris secundum altaristam faciat et permittat vti eisdem, sicuti omnipotentis Deij indignacionem et canonicam voluerit euitare vlacionem. In huiusmodi euidentis testimonium presentem literam, confirmacionem nostram in se continentem, sigilli nostri appensione fecimus communiri. Datum et confirmatum Stetin, sub anno Domini millesimo trecentesimo nonagesimo quinto, vigesima prima die mensis Augusti, presentibus honorabilibus Viris Dominis et Magistris Gherardo Vernhaghen, Archidiacono Stargardiensi, Jacobo de Wene, Archidiacono Pozaniensi, et Johanne Molner testibus premifforum.

Aus einem Copialbuche.

CLXXXIII. Nicolaus Lemann gründet einen Altar in der Marienkirche, am 26. Februar 1398.

In nomine domini Amen. Nouerint vniuersi tenorem prefencium inspecturi, Quod ego nicolaus Lemann, Ciuis in prempflaw, et margaretha, vxor mea legitima, ad salutem animarum nostrarum nostrarumque parentum necnon heredum natorum uel nascencium ad perhennem memoriam ex instinctu diuino meraque nostre mentis deliberacione et voluntate propria apposuimus, condonauimus et presentibus apponimus et condonamus quinque sexagenas grossorum minus vno solido grossorum bohematicium, nunc jacencium in teatro seu consistorio ciuitatis Stetin a nobis compartata et comparata pro nostris promptis denarijs videlicet pro octuaginta sexagenis grossorum predictorum ad altare omnipotentis Dei sueque genitricis Marie omniumque Sanctorum ad honorem per nos fundatum, situm et constructum in ecclesia parochiali sancte Marie dicte ciuitatis, ex consensu rectorum dicte ecclesie Indefinenter per discretam et ydoneam personam officiantum, sine impedimento quolibet perpetuo pertinenda. Annuentes eciam, quod si consules dicte ciuitatis Stetin